



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Cur Deus cùm bonus sit mala esse in Mundo sinat?

urn:nbn:de:hbz:466:1-45686

Matth. 10.17. officia; sed opprobria, sed flagella, sed persecutio[n]es. Tradent vos, inquit, in Concilijs, & in Synagogis suis flagellabunt vos: & ad Praesides

Ioan. 16.2. & Reges ducemini, propter me. it[em]que: Absq[ue] Synagogis facient vos, sed venit hora, ut omnis, qui interficit vos, arbitretur se obsequium preflare Deo. Et, in tempore, inibi, appositum est: Hac locutus sum vobis, ut non scandalizemini. Mundus, & Dei scientia destituti scandalizantur; qui Devm intus norunt, qui arcana judicia, consiliaque, Dei perscrutati sunt, in his rebus, ingentem agnoscent thesaurum

I. Cor. 1.18. latitare. Verbum enim Crucis pereuntibus quidem stultitia est, ijs autem, qui salvi fiunt, id est, nobis, Dei virtus est. Scriptum est enim: Perdam sapientiam sapientium, & prudentiam prudentium reprobabo. Vbi sapiens? vbi scriba? vbi conqueritor huius seculi? Nonne stultam fecit Deus sapientiam huius mundi? Nam quia in Dei sapientia non cognovit mundus, per sapientiam, Deum: placuit Deo, per stultitiam prædicationis, saluos facere credentes. An non enim mundo stultitia videtur, injurias, contumelias, dolores, calamitates vocare bona? & eos beatos

Matth. 5.1. pronunciare, qui persecutionem patiuntur? Et tamen diuina sapientia ita loquitur, quæ etiam addit: Beati estis, cum maledixerint vobis, & persecuti vos fuerint, & dixerint omne malum, aduersum vos, invenientes, propter me: gaudete & exultate, quoniam merces vestra copiosa est in caelis. Si bona est, merces haec, bonus est labor, cui ea prominitur, quia utilis ad eam promerendam. Est enim utile quodam utique bonum; & tanto maius bonum, si utile est ad summam beatitudinem.

VIII.

Nemo dicat: si bonus est Deus, cur mala permittit? cum ea, quæ stulti mala putant, bona sint. Nemo dicat: vel potest Deus facere, ut mundus careat atra munera, & non vult facere; vel non potest miseras è terris regnare: si non potest, ergo ipse miser est, quia impotens; si potest, & non arcer, ergo inuidus, aut malignus. Potest omnino Deus, ex exilio, patriam, è Caucaso Paradisum, è terra, cœlum facere; sed non vult, hoc ipso, quia optimus, & quia potentissimus est. Nam ea ipsa, quæ mala putantur, homini optima sunt; ideò ea vult homini, ex sua bonitate, Deus: ut autem optima sint, infinitæ sapientiae eius, potentia est: quæ vel inde est suspicienda, quia è malis potest bona facere; per labores ad quietemducere; per dispendia corporis, animæ lucrum procurare; de-

nique

nique per ærumnas, ducere ad veram felicitatem. Quis præmium mereretur, sine labore? *Quis coronaretur, nisi legitimè certare?* ^{2. Tim. 2. 5.} Divina ars est, hominem premere in hac vita, ut ad alteram erigatur; absynthio terram reddere amaram, ut ad cœlestem anhelet suavitatem; atque ad dulces illos fontes, vnde scaturit vera torrens ^{Psalm. 35. 9.} voluptatis. Denique, qui multis & grauibus huius ævi malis vexatur, coniecturam discit facere, quæ, in inferno, futura sit vis tormentorum. Ob has tales causas, si Deus amicis suis mala immitit, nonnè diligit? nonnè vicissim & ipse diligendus est, & censendus bona potius, quam mala procurauisse? ac, ob vigilantissimam hanc sollicitudinem, paternamque prouidentiam, beneficus potius, quam durus est appellandus?

Quod si quidam mala male sustinent, quia ipsi mali, iam multò minus id, quod malum iudicant, Numini debet attribuere, sed sibi. In judicijs, que de Deo retuli, inquit Themistius, nihil aliud ^{Themist. O2.} magis elucet beatæ illius natura, quam ipsa bonitas. Vnde & nomen illi ^{rat. 16.} fecimus, idq; tanquam omnium illustrissimum dignissimumq;. Quando & longi autem esse, & plures potentia superare, multis etiam animæ experitibus inesse cernimus. Ceterum Homerus hoc non recte est opinatus, duo, in Iouis domo, dolia jacere, fatis plena, vnum bonis, alterum aduersis. Neque enim malorum, in cœlo, ullum est penu. Sed hinc illa huius dolij confusio, alito nimirum, terraque, in qua versamur, nosq; illud implimus, & evacuamus; neq; pueros fluere sinimus fontes illorum cœlestium bonorum, qua aſiduè, & indefatigabili animo suppeditat, ut Poëſis Philosophica ait, bonorum ille largitor, aequitatis promus, cui Iustitia, & recta lex aſidet; cui Gratia: Euphrosyne, Aglaia, & Thalia amabilis aſistunt; cui omnes ab humanitate appellationes sunt attribute; ut sunt placidus, amicus, hospitalis, supplicum praes, urbium custos, S-E RVATOR. Quid aliud multis verbis vult Themistius dicere, quam quod apud Osseam est, *Perditio tua, Israël, tantummodo in me auxilium tuum?* ^{Oſec. 13. 9.}

Poteras, eodem fine, missas à Deo cruces ferre, quo ipse eas vult ferri, & quo Sancti ferunt. Impatientiā tuā tibi crucem malam reddidisti. Porrò malis male esse, quis indignè ferat? exedunt, quod sibimet intruerunt. Et, si iustitia bonum quid est, pœna quoque ipsa, quam iustitia improbis infligit, bona erit; atque ita efficiatur, ut in impijs, in quibus aliud boni nihil est, saltem hoc diuinæ

IX.

B 2

iustitiæ